

خَطِ سِوَمِ يَوْحَنَّا

دُعا و سلام

۱ از طرفِ بزرگِ جماعت، بلدهِ غایوسِ عزیز که او ره دَ راستی دوست دَرُم.
۲ دوستِ عزیز، ما دُعا مُونُم که از هر نگاه کامیاب و تندرُست بشی امو رقم که روح-و-روان تُو سالم آسته. ۳ ما غدر خوشحال شُدُم و ختیکه بعضی برارو آمده دَ باره تُو شاهدی دَد که تُو دَ حقیقت وفادار آستی و مُطابقِ راستی-و-حقیقت رفتار مُوکنی.
۴ ازی کده هیچ خوشی بلده مه بزرگتر نیسته که بشنوم که بچکیچای مه دَ مُطابقِ حقیقت رفتار مونه.

قدردانی از غایوس

۵ دوستِ عزیز، دَ هر چیزی که بلده برارون ایماندار انجام میدی، وفاداری خُو ره ثابت مُوکنی، حتی اگه اونا قد از تُو ناشِخته ام بشه. ۶ اونا دَ باره مُحَبَّت تُو دَ حُصُورِ جماعتِ ایماندارا شاهدی دَد. اگه اونا ره بطُورِ خُدا پسندانه دَ سَفَرِ رِبِی کُنی، کارِ نیکِ مونی، ۷ چُون اونا بخاطرِ نامِ مسیحِ بلده خدمت کدو بُر شُده و هیچ رقم کومک ره از مردُمای غَیرِ ایماندار قبول نَکده. ۸ پس بلده از مو فرض آسته که از ای رقم آدمای پذیرایی کُنی تا قد ازوا دَ اعلان کدون حقیقت شریگ شنی.

شکایت از دیوترفیس

۹ ما یگ خطِ بلدهِ جماعتِ ایماندارا نوشته کدیم، مگم دیوترفیس که خوش دَره نفرِ اولِ بَشه توره ازمو ره قبول نَموکنه. ۱۰ پس اگه بییم، از کارای که او انجام میدیه یاد آوری موم، چون او د باره ازمو از روی کینه تورای پوچ-و-ناسزا مَگیه و د امزی کارا ام قناعت نَکده، بلکه از برارونِ ناشنخته ام پذیرایی نَموکنه و کسای ام که میخایه پذیرایی کنه، اونا ره مَنع مَکنه. اگه از آید شی نَشُد، اونا ره از جماعتِ ایماندارا بَر مونه.

نصیحتِ یوختا

۱۱ دوستِ عزیز، از چیزای بد سرمشق نَگیر، بلکه از چیزای خوب. هر کسی که کارِ خوب مونه، از خُدا آسته، و لے هر کسی که کارِ بد مونه او خُدا ره ندیده. ۱۲ یگِ مردُم د باره خُوبی دیمیتربوس شاهدهی میدیه، حتی خودِ حقیقت ام. مو ام د باره ازو شاهدهی میدی و شمو میدنید که شاهدهی ازمو راست آسته.

سلامِ آخری

۱۳ ما غدرِ چیزا دَرُم که بلده تو نوشته کنم، مگم نمیخایم که قد قلم و سیاهی د روی قاعذ نوشته کنم، ۱۴ مگم امید دَرُم که تو ره د زودی بِنگرم و موروی د روی توره بگی. ۱۵ آسایش-و-آرامش نصیب تو شنه. دوستا سلام های خو ره بلده تو ری مونه. دوستا ره د اُنجی ام نام گرفته سلام بگی.